



T H O M Æ
CAMPANELLÆ
 STYL. ORD. PRÆD.
R H E T O R I C A.

R H E T O R I C A M E S S E I N-
strumentum suadendi bonum secundum nos,
et dissuadendi malum, et quo differat à
Logica, Gramm. Poëticaque Déque eius
subiecto, ac sine, et quid circa hæc non rectè
senserint Antiquiores.

C A P. I. A R T. I.



P O S T priores de Dialectica sermones,
 de Rhetorica nos manet consideratio;
 cū & ipsa sit pars philosophiæ rationalis,
 argumenta sumens à Dialectica, materia
 à Morali. Differunt autem, primo:
 quia Dialectica instrumentum est Metaphysici,
 quo ratiocinia in omni arte moderantur,
 siue mentalia, siue vocalia; Rhetorica vero
 Legislatoris; quo persuasiones, et dissuasiones
 reguntur. Illa pro obiecto habet verum,
 et falsum: ista bonum, et malum. Nam, & si